



Seminar Pupuk Kesedaran Produk Halal



Timbalan Naib Canselor UPM (Jaringan Industri & Masyarakat), Prof. Dr. Tai Shzee Yew memberi ucapan sempena majlis penutupan Seminar Sehari Kesedaran Produk Makanan Halal.

SERDANG, 9 NOV – Seminar Sehari Kesedaran Produk Makanan Halal anjuran Pusat Pengembangan, Keusahawanan dan Pemajuan Profesional (APEEC), dengan kerjasama Fakulti Sains dan Teknologi Makanan dan Institut Penyelidikan Produk Halal Universiti Putra Malaysia (UPM) berjaya memupuk kesedaran pengguna terhadap penggunaan produk halal di Malaysia.

Seminar yang berlangsung di Auditorium Jurutera, Fakulti Kejuruteraan (UPM) itu merupakan susulan program Hari Terbuka Bersama Pakar Pertanian UPM yang telah diadakan di Johor, Pahang dan Kelantan sejak tahun 2007.

Seminar yang ditutup oleh Timbalan Naib Canselor UPM (Jaringan Industri & Masyarakat), Prof. Dr. Tai Shzee Yew, bertujuan memberikan kefahaman kepada agen pengembangan dan pengusaha kecil tentang kepentingan pengeluaran produk makanan halal serta mempromosikan pensijilan halal sebagai satu pengiktirafan kualiti dan keselamatan pengeluaran makanan.

Pengarah APEEC UPM, Prof. Dr. Haji Musa Abu Hassan berkata kesedaran tentang halal dalam produk makanan semakin diberi perhatian dalam usaha menjadikan Malaysia sebagai hub halal pengeluaran makanan.

"Konsep halal yang ditekankan termasuklah pemilihan bahan mentah, pemprosesan sehinggalah untuk mendapatkan pensijilan" katanya lagi.



Berita ini disediakan oleh Seksyen Media, Publisiti dan Penerbitan UPM.

Hak Cipta Terpelihara 2007
Universiti Putra Malaysia